

ادبیات عمومیہ مجموعہ سی

هفته لقی میاسی ، ادبی ، علمی غزیه در

تاریخ تاسیسی

فره عرم ۱۳۳۵

نومرو : ۷۹ -

۳ اغتوس ۱۹۱۸

مدرجات

- ۱ - مملکت مزده کی بنی اسرائیل جلال نوری بک
- ۲ - فکر و صنعت تاریخچه طوغری محمود حللی بک
- ۳ - حسین رحمی بک افندی به [مکتوب] زبیه محی الدین خانم افندی
- ۴ - کوپرلی زاده نواد بک [منظومه] حسین دانش بک
- ۵ - صوک مکتوب [شعر] فطین نوبیق بک
- ۶ - سعاد [حکایه] م . د بک

محل اداره : ~~محل اداره~~ داده سنده ۷۱ نومرولو دارة مخصوصه در .
تقویم نومروسی : استانبول ۱۷۸۵

بر نسخہ سی ۳ غروشد

بدل اشراك : سناکی ۱۵۰ ، آتی آیلری ۷۰ غروشد .

(آتی) مطبعہ سی

۱۳۳۴

ادبیات عمومی و مجموعہ سی

ہفتہ لقی سیاسی ، ادبی ، علمی غزنیہ در

جلد : ۴

سنہ : ۲ ۲۵ شوال ۱۳۳۶ جمہ ابرنی ۳ اگستوس ۱۹۱۸ نومبرو — ۷۹

مملکتزده کی بنی اسرائیل

[بوگونلرده سیونیزم و فلسطین مسائل موضوع بحث اولویور . بو مناسبتله یهودیلرہ دائر طوتولش بعض اسکی نوطلری نشر ایدیورز .]

ممالک عثمانیہ ده مقیم یهودیلر ایکی قسمدر : اکثریت مطلقه علی العاده یهودیدر . رسماً خاخم باشلیغه تابعدرلر . [] بونلرده اوج صنفدر : ۱ — قدیم یهودیلر ، ۲ — [فردیناندو] و [ایزابلا لاقاتولیق] زماننده ترکیه یه مهاجر اولان [سه فرادیم] لر ؛ ۳ — صوک زمانلرده اوروپادن کلن ، آلمانجه ژارغونی قونوشان و لحن عوامده کندیلرینه اہلی دینلن موسویلر [حاشکہ نازیم] . قلیل برجاعتده [قرائی] لردر [] . استانبولده اسکیدن بری یهودی سا کن اولدیغنی تواریخده کوریورز . لکن عددلری دائماً آزلق ایدی . اسپانیا محررینندن [بنیان دو طودہ لا-B. de Tubela] ۱۸۷۰ده استانبول بنی اسرائیلندن بحث ایدیور . بونلرک مقر اساسیلری غلطہ ایمش . [غریمستون-Grimston] . نظرآ ۱۶۲۶ ده قسطنطنیہ ده شمیدیکندن پک زیاده اولق اوزره ۳۸ خاورا بولونیورمش . فلسطینده وجوار اراضی مقدسده موسوی اہالی اصلیه و قدیمه واردر . عربی و عبرانی . اللساندرلر . بغدادده برجاعت تشکیل ایدرلر .

جزیرۃ العربیہ و قتیله جوق یهودی واردی . اسلامیتک عصر انتشارنده بونلرایله پک

[] ملت تشکیلاتی ایچون صدر اسبق مرحوم حق باشا تک (حقوق اداره) سنک جلد اولکہ مراجعت . [] ظنمده خطا ایتمیورسم آلساندر قریشو دوری باشا مرحوم قرائیلرک احوالک دائر بر خطرہ یازمشدر . بو خطرہ طبع ایدلدی .

جوق حرب وقوع بولمشد. اسفار پیغمبریدن [خیر] غزو و سنده بوکبی یهودیلر تنکیل ایدلمشدی. لکن جزیره العربیه، صوکرملری، یهودی قلمادی، برطاقی تلف ایدلادی، قسم دیکری اهتدا ایتدی. یمنده، الحاله هده، بر آرز یهودی بولونیور. آثار و بابل حکمدارلری یهودلردن بر طاقنی کردستان و آناتولی ایجلیینه نقل ایتلمشدری. بوکبی یهودی انقاضی Nippur ی کشف ایدن Dr. John Peters بین النهرین و فلسطیندن پک اوزاق مواقعه، [قونت پورسی - Carl Percy] ایسه عجم حدودینه یاقین، کردلرک ونسطوری لرک مقیم اولدقلری حوالیده، حکاری سنجاغنده کشف ایتلمشد. تاریخ هجرتلری بولق قابل دکلدر. بونلر کردلردن فرق ایدلر. کسولری مسلمان آکدیرر. موسی الهه نظر آ یالکز موصل جوارنده دکل لکن هجری [دیزا - Diza]، [نری - Neri]، [جردی - Girdi]، [بشقه لی - Bashkali] کی کویلرده ده بونلره راست کلنیور. [میدستر هوغارث - Mt. Hogarth] سوریه یهودیلرینی تعریف ایتلمشد.

ممالک عثمانیه ده - بوکون - موسوی سکنه ایکوز بیکی کچمز. خصوصیه سلانیک، وقیله، کندیلرینه، یورت اوله رق کوسترلمشدی. بو شهرک یونانه انضامندن سکره موسوی تبعه عثمانیه آزالدی. استانبولده اوتوزبش بیگدن زیاده موسوی اولسه کرکدر. مراکز مهملری بالاط [قدیم Blachernaé Palationi سرای جواری]، قوزغونجق، خاص کوی و اورتیه کویدر. عرفاً اسپانیول یهودیلری کوزل و ظریفدر. قوللاندقلری اسپانیول ژارغونی اکره السه در. یهودیلر ممالک عثمانیه ده - ممالک اجنیه ده، رومانی و روسیه ده اولدینی کی - هیچ بروقت دوچار غدر اولدیلر. بزده [خلا فکیر یهودی - آتی سه میت] فرقلر هنوز ظهور ایتدی. لکن بو کیدشله آتی سیونیست فرقلری کی بعض احزابک ظهوری احتمال داخلنده در. یهودیلر، عثمانی خرسیتیانلری طرفندن دائماً خور کورولمشد. سوک زمانلرده [سیونیزم] فرقه سی چیقدی و بدرجهیه قدر جماعت موسویه داخلنده موجب اختلاف اولدی. عثمانی یهودیلری اوروپا بنی اسرائیلنه نسبتله دهافاضل ایسه لرده اودرجه ده زنکین وقوتلی دکلدرلر. مقدرات تاریخیه عثمانیه ده یهودیلر بیوک بررول اوینامامشدرلر.



ممالک عثمانیه ده ساکن بنی اسرائیلک تاریخی [م. فره سقو] اسمنده بر ذات طرفندن یلیز یلوب ۱۸۹۷ ده پارسده باصلمشد. مؤلف - اداسنه نظرآ - اثرینی وجوده کتیرمک

ایچون اون سته چالشمشدر . ینه اداسنه نظراً مومی الیه ترکیه په وخصوصیه عثمانی یهودیله رینه
عائد بتون آثاری بر جوق مجامعی ، دیپلوماسی اوراقتی و تصادفاً آینه کچن مسوداتی او قومشدر .
اون طقوز نجی عصر اُرده دها خصوصي بر موقع طوتیور . فرسقا افندی فرانسه
ویهودی اسپانیولجهمنده یازلمش اون بیک غزیه نسخه سیله از میر ، سلانیک و استانبولده
باصیلیمش بر قاج یوز کتابده کوزدن کچیرمشدر . كذلك ممالك عثمانیه یهودیله طرفندن
یازیلان آثارک بیلیوغرافیا سنک تنظیمی ایچون سکنز بیک [این فولیو - in-folio] یده
قاریشدرمشدر . بو مجلدات شهر مزك یهودی کتبخانه لری موجوداتیدر . کتابک چین
نشرنده ۳۱۴۰۰۰ تخمین ایدیلن عثمانی یهودیله بتون بنی اسرائیل یکرمی درتده برین
تشکیل ایدیورمش . بو جماعت اقسام خسه آتیه دن مرکبدر :

(ا) — آسیا یهودیله : فلسطین ، سوریه ، بابل ، عربستان بنی اسرائیلی ؛

(ب) — مصر بنی اسرائیلی ؛

(ج) — برنجیدن دردنجی قرن میلادی په قدر تراکیا ، ماکدونیا ، تسالیایه یرلشن
و مؤلفک [روم یهودیسی - Juifs Romain] دیدیکی مهاجرین ؛

(د) — اون بشنجی عصرده اسپانیا و پورتوغالدن کلیتله کلن مطرودین ؛

(ه) — اون آلتنجی عصرده شمال ویا [آشکه نازیم] دنیلن آلمان ، له ، مجاری یهودیله .
یهودیله کچوخی اسپانیول اولدیفندن دیکرلری لساناً اکثریتله بونلره تمیل ایتمشدر .

فرسقا افندی سنک مقصدی عثمانی حکومتک تشکلندن سکره کی یهودی تاریخنی یازمق
ایسه ده ، مومی الیه ، اثرینک دیباچه سنده ایکنجی معبدک تخریبندن سکره کی ممالك شرقیه
موسیولری حقنده ده تفصیلات ویریور . مدینه منوره یهودیله ، حضرت محمد ویهودیله ،
یمن جماعت موسویه سی ، شوصو کنجیلرک محصولات ادبیه سی ، بطالسه دورنده ، رومالیر
زماننده ، شرق امپراطورلرینک عهدنده ، عجملرک دور استیلا سنده ، عربلرک ، ایوبیلرک ،
ملوکلرک و سائر طوائف ملوک هنکامنده مصر یهودیله حقنده بر مقدار معلومات
ویرلکدن سکره مؤلف روم یهودیله اطلاق ایتدیکي مهاجریندن استانبولک ، ادرنه نک
سلانیکک اهالی قديمه موسویه سندن ، آشکه نازیملردن بحث ایدیور . آندن سکره عثمانی
سلاطینک عهدلری اشناسنده یهودیلر مزك احوالی تدقیق اولونمقده در . یازیدمانی دورنده
۱۸۹۲ ده [فردیناندو] نک حکمران اولدینی اسپانیادن یهودی مهاجرتلری باشلیور .
طرد اراده قرالیه سنک یاقین زمانده بولونان وحالا مادرید کتبخانه ملیسنده محفوظ اولان
نسخه سنک صورت مترجمه سی اُرده مندرجدر . بو قورقونج فرمان قضا جریان موجبنه

افسادات مذهبیّه بولونملری ایله اتهام ایدیلمن بنی اسرائیل طوپدن قوغولور . کیتسه یه نك
بانی کیلیور ، اموالی ضبط ایدیلیور . ایشرینی بالتسویه ماللرینی صامق ایچون فی الواقع
یهودیله برآز مهل ویریلیور ایسه ده بونلر آلتون ، کوش و سائر هر درلو مسکوکاتی
و قانوناً ممنوع اولان اشیایی [قانوناً ممنوع اولان ذخیره مستثنی] خارجه نقل ایده میه جکلر در
کوریلور که مسلمان استیلا سندن سکره اسپانیا کندی نقطه نظرندن پك مرغوب برپولتیقه
اتخاذ ایتشد . عرب هنکام سلطنتک براق دینی هولناک خاطره لر دن متنبه اولان اسپانیولر
مملکتلرینی تطهیر ایدیورلر . مطرود ایکوز بیک بیچاره نك اکثریتی بایزید ثانی یه التجا
و دخالتله مروتنی استدعا ایتدکلرندن خاقان مشارالیه در حال و کمال عنونیتله بویورد سز قالان
عجزه یی مملکته قبول ایدیور . پادشاه برکون مقر بلرینه خطاباً : « سز فردیناندویه مقل
بر قرال دیورسکز . حالبوکه او ، مملکتی فقیر ایتدی و بزمکنی زنکینلشدیردی ! »
دیدیکی روایت اولو نمقده ایش . یهودیلرک حسن قبولی ایچون بایزید ثانی بر فرمان اصدار
ایتشد . آنلره فنا معامله ایدنلر تولوم ایله تهدید ایدلمشدی . پادشاهک احسن صورتده
افغانی خاخم باشی [قابسالی - Capsali یه] عطف ایدیورلر . بورئیس روحانی فلا کتزدملری
تخلیص ایچون بتون جماعتی کزمش و اسر انک صاتون آلمشی ایچون اغنیا اوزرینه
« Pidion-Chevovyim » نامیله برور کوویا امانه طرح ایتشد . بو وقعه تاریخ طامده و تخصیص
بنی اسرائیل تاریخنده شایان قید شوناندند . اوزمانه قدر التماع ایدن یهودی نفوذی بومهاجر تله
سومش و بو عالمک مرکز ثقلتی دکشدیرمشدر . زمانک یهودیلری بوندن فوق العاده
متأثر اوله رق کیفیتی مسجد افسانک اوچونجی تخریبی تلقی ایتشلردر . کأن اتباع
موسی یکی باشند اسارت قبودینه گرفتار اولشلر کبی - وقعه دن ماده متأثر اولیانلریله -
اوزولشلردر . پك ایلریده اولان بو یهودیلر ملک عثمانی یه کلکله دولته و ثروت عمومیّه
خیلی خادم اولشلردر . [مارانوس - Maranos] لر طوب و باروت اعمالی ایی بیلدکلرندن
ترکلری صنعتلرندن مستفید ایتشلردر . مؤلف دیورکه : « خریستیان ظلمه یهودیلری
مملکتلرندن قوغمغله عثمانیلرک آللرینه ماده بر سلاح ویردیلر و بونلرده برآز سکره
[شارل کهن] و خقللرینک بتون هزیمتلرینه بادی اولدیلر . » عجبا یهودیلرک خدمتی بو قدر
بیوکمی ایدی ؟ بیلیم . کلن موسویار و خصوصیه [هامون - Hamon] مائله سی طبآده
مملکته فائده آورا اولشلردر . کذلک ترجانلقده بونلر طرفندن ایلری کتوریلن بر مسلکدی .
مهاجرین بالخاصه استانبول ، سلا نیک ، قدس ، صفد ، ادرنه ، نیکبولی ، بروسه ، توقاد ،

آماسیه ، شام و مصرده یرلشدیلر . سلیمان قانونی زماننده یهودیلر (غالب احتمال رطایب سائر کبی) آتیده کی ویرکولر ایله مکلف ایدیلر : ۱ — « ویرکوی سنوی-Salonia » عیجا سالیانه می ؟ — ۲ — « اردو آقجه سی » نامیله برتکلیف حرب ؛ ۳ — « رسم قسمت-میراث ویرکوسی » ؛ ۴ — پادشاه چارلرینک ادامہ سی ایچون « Tegoragov آقجه سی » ؛ ۵ — اداره محلیه ایچون « قضا آقجه سی » ؛ ۶ — « قصاب آقجه سی » ؛ ۷ — قوش اداره سی ایچون « چایر آقجه سی » ؛ ۸ — « مرجاعت موسوییه (عن جماعه) طرح اولونان « Rab آقجه سی » ؛ ۹ — « باش خراجی » ویا « ادایا بدل خراج » ؛ ۱۰ — پادشاهک سورولری ایچون « جلب آقجه سی » ؛ ۱۱ — پادشاهک ساعیلری ایچون آلتان بر ویرکو ؛ ۱۲ — کورک بدلنه مدار اولمق اوزره بر ویرکو . بوندن بشقه یهودیلر یدی درلو آنغاریه یه ده معروض اولدیلر : ۱ — « حصار یایمه » سی ؛ ۲ — « استحکام طایبه » ؛ ۳ — « یماج و چایر یچمک » ؛ ۴ — « بدل ایشلمک » ؛ ۵ — « سرای و محکمہ بکلمک » ؛ ۶ — « قوللق » [یکیچریلر ایچون اوله حق] ؛ ۷ — « عجمی اوغلانی éviané-hitcg-ve آنغاریه لری . مجارستانک استیلا سندن صکره اورا یهودیلر ندن بر جوغی پلونه ، نیکبولی و بالخاصه ادرنه یه یرلشمشلردر . یهودیلر عصر قانونیده فوق العاده بر حریته نائل اولدقلر ندن بو سعادت حاکم مسیحک ورودینه دلالت ایتدیکی زعمنده بولونمشلردر .

کتابده سلاطین سالفه دورنده یهودیلره و یهودی ایلری کلنلرینه دائر برچوق معلومات وارایسه ده بوراده تفصیللر ندن صرف نظر ایدلدی . وقایعی حاوی بر تاریخ عثمانی یازلدینی وقت بو وثائق ندن استفاده قابلدیر . مقصد من تاریخمیزک محاکمه سی و خصوصیه شو موضعده مقصد تالمیز بیلیوغرافیا اولدیفندن تطویلی زائد کوردک . سلائیک دوئمهلری طریقتک پیری [سابتای ویا « شابتای » سهوی] حقنده [۱۶۲۹-۱۶۷۶] کتابده بر خیلی معلومات وارسه ده اجنبی تاریخلرده و خصوصیه محیط المعارفلرده ده مضبوط ترجمه حاللره تصادف ایتمک ممکندر . محاکمه و قلم اعتباریه بو تاریخ بیوک برنی دکل ایسه ده وثائق تاریخیه سی قارمه قاریشیق اولان عثمانیلر ایچون کوزدن کچیردی کمز اوچوز بیوک صحیفه دن متشکل بو فرانسوی العبارة و قایمنامه ده زوائد و نواقص آرمسندم خیلی درر و کهر بولونه بیلیر .